

BERRI OROKORRAK

2022ko urriaren 21ean 7. zenbakia

Alexia APP eguneraketa

Azken egunetan zuen mugikorrean duzuen Alexia familia aplikazioa eguneratu egin da. Eguneraketa egitean, zenbait arazo suertatu dira eta zenbaitek ezin duzue aplikazioan sartu. Horretarako, bi aukera daude:



1. Mugikorrean "aplikazioak / aplicaciones" ataletik, Alexia Familia APPa aukeratuta, "datuak garbitu / limpiar datos" aukerari eman.
2. Edo zuzenean APPa desinstalatu eta berriro instalatu.

Hori eginda ondo sartu ahal izango zarete, baina bertan gordeta zenituzten erabiltzaile, pasahitz eta ikastetxeko kodea ezabatu dira eta berriro sartzeko eskaera egingo dizue. Erabiltzaile izena gogorarazteko jarri gurekin harremanetan usurbil@ikastola.eus helbidean.

Pasahitza berrezartzeko egin [klik hemen](#)
Ikastetxeko kodea ondorengo da: **Im8i**

Kanpo-espazioa eraldatzen

Badira zenbait urte ikastolako irakasle eta gurasoz osatutako talde bat, udalarekin elkarlanean, kanpo espazioa eraldatzeko lanean ari garena. Ikastolako ikasle guztien beharrei erantzutea dugu helburu. Ikasturte honetako asmoak gauzatzeko jende gehiago behar dugu. **Animatu parte hartzera!** Izena eman zure seme-alabaren tutoreari eta jarriko gara zurekin harremanetan.



Joskintza-tailerra

Haur eta nerabeei zuzendutako 8 saioko joskintza-tailerrak interesa piztu du eta **aurrera atera da.**

Lehen taldea datorren **urriaren 28an hasiko da**, 17:00etatik 18:30era eta urtarrila edo otsailean bigarren talde bat ateratzea espero dugu.

Ikastaroaren emalea: lone Iruretagoiena moda-diseinatzailea.

Prezioa: 20€ ikastaro osoa materiala barne.

Non: Potxoenean

Mila esker zuen interesagatik!



Haur eta gazteen Baxurde krossa

Eskola kirolaren legea dela eta, lasterketan eskualdeko edo aldameneko eskualdeko haur eta gazteek parte hartu ahalko dute, besteek, ez (Donostialdea, Tolosaldea, Azpeitialdea eta Irunaldeakoak). Lasterketak **ez dira lehiakorak izango**.

NOIZ: **Urriaren 23an, igandea:**

12:00etan:

Irteera bateratu bat egingo da **Benjamin** (2013/2014) (8-9 urte) eta Alebin (2011/2012) (10-11 urte) kategoriako haur eta gazteentzat eta 600 metroko zirkuitu bati bira bat emango diote, lehen erdia antolakuntzak bideratu du eta bigarren erdian beraien erritmora joaten utziko zaie, beti antolakuntzaren begiradapean.

12:10ean:

Irteera bateratu bat egingo da **Infantil** (2009/2010) (12-13 urte) eta Kadete (2007/2008) (14-15 urte) kategoriko gazteentzat eta 1000 metroko zirkuitu bati bira bat emango diote eta beraien erritmora joaten utziko zaie hasieratik, beti antolakuntzaren begiradapean.

***Prebenjaminen** artean ere, urtero bezala, 200m-ko lasterketa antolatuko da, denbora guztian antolakuntzak bideratua izango da. Adin horretakoek, egunean bertan apuntatu ahal izango dute probara.

Bertan apuntatu ahal izateko lotura: <https://www.rockthesport.com/es/evento/xiiibaxurdekrossa>

[Infantil - kadete ibilbidea](#)

[Benjamin - alebin ibilbidea](#)



Dagoeneko izena eman daiteke Euskaraldian!

Azaroaren 18tik abenduaren 2ra bitartean ospatuko da Euskaraldiaren hirugarren edizioa Usurbilen, eta herritarrek dagoeneko izena eman dezakete Ahobizi edo Belarriprest gisa. Horretarako, [klik egin hemen](#).

Hizkuntza-ohiturak aldatzeko ariketa egiteko prest?

Ahobizi jokaera hautatzen baduzu, 15 egunetan zehar, euskara ulertzen duen orori egingo diozu euskaraz.

Belarriprest jokaera hautatzen baduzu, 15 egunetan zehar, euskaraz zuzentzeko eskatuko diozu hitz egiteko gai denari.

#HitzezEkitekoGaraia #Euskaraldia #Usurbil



HAUR HEZKUNTZA

Ikasturte hasierako HH 3ko guraso-bilera

Azaroaren 2an, asteazkena, arratsaldeko **16:45ean** zuen seme/alabaren **gelan**, HH 3ko ikasturte hasierako gela-bilera egingo da. Bilera antolatu ahal izateko aurrez [IZENA EMAN](#) behar duzue.



Ipuin kontaketa

Hurrengo astean [ipuin kontaketa](#) saio bat izango da Sutegiko liburutegian.

Noiz: urriaren 27an, osteguna, arratsaldeko 18:00etan

Ipuin kontalaria: PELLO AÑORGA

Nori zuzenduta: HH 4ko haurrentzat



LEHEN HEZKUNTZA

Sexu-heziketa

Sexu- heziketako ikastaroa dela eta, **LH 5eko gurasoei** saio bat eskainiko zaizue gai horren inguruan ikasleekin jorratu dena azaltzeko. Bertan, guraso bezala dituzuen kezkak aditu bati azaldu edota galdetzeko aukera ere izango duzue.

Data: azaroak 2, asteazkena.

Ordua: 16:45etik 18:45era (gutxi gorabehera).

Lekua: Jangela

Etortzeko asmorik izango bazenute, [eman izena](#) **urriaren 28a baino lehen**.



DBH

DBH1eko ikasleen irteera

Eguraldiak laguntzen badu, ostegunean, urriak 27, DBH 1. mailakoak Erniora egingo dugu mendi irteera.



DBH2ko ikasleen irteera

Ostegunean, urriak 27, DBH 2koak Igartubeiti baserri-museora goaz, XVI. mendeko gizartea eta teknologia gertutik ezagutzera.

